

REGULAMENTO PARA ELIXIR A REPRESENTACIÓN DO ESTUDANTADO E DO PERSOAL DE ADMINISTRACIÓN E SERVIZOS NO COMITÉ DE DIRECCIÓN DA ESCOLA INTERNACIONAL DE DOUTORAMENTO

(Aprobado pola comisión electoral o día dezanove de decembro de dous mil dezaioito)

Artigo 1

A elección de representantes de estudantes de doutoramento e de persoal de administración e servizos no comité de dirección da Escola Internacional de Doutoramento da Universidade de Vigo (Eido) rexeráse polos Estatutos da Universidade de Vigo, polo Regulamento de réxime interno da Eido e polas normas contidas no presente regulamento.

Artigo 2

De acordo cos artigos 5 e 7 do Regulamento de réxime interno da Eido, son membros electos do comité de dirección, os seguintes:

- a) Un/unha representante do persoal de administración e servizos referido nos artigos 5.c e 6 do Regulamento de réxime interno da Eido.
- b) Un/unha representante do estudantado de doutoramento por cada ámbito de coñecemento vixente na EIDO.

Artigo 3

As persoas elixidas no comité de dirección as que se refiren os apartados a) e b) o artigo 2 do presente regulamento, serán elixidas no Consello de Goberno, podendo votar todos os seus membros. A elección farase entre os que figuran nunha lista única de cada sector que se elaborará despois de abrir un prazo de presentación de candidaturas. Nas listas de estudantes deberá figurar o ámbito de coñecemento ao que estean asinadas as persoas candidatas.

Artigo 4

1. A representación dos estudantes deberá renovarse cada dous anos. Se algún ámbito quedase sen representación de estudantes por ausencia de candidaturas, poderá elixirse novamente na seguinte sesión do Consello de Goberno.
2. A representación do persoal de administración e servizos deberá renovarse cada dous anos. Se quedase sen representación por ausencia de candidaturas, poderá elixirse novamente na seguinte sesión do Consello de Goberno.

Artigo 5

1. A elección será por sufraxio universal, libre, igual, directo e secreto. Non se permitirá en ningún caso nin a delegación de voto, nin o voto anticipado, nin o voto por correo.
2. As persoas candidatas que obteñan o maior número de votos en cada sector proclamaranse electas.
3. No caso de que dúas ou máis candidaturas obteñan o mesmo número de votos, daráselle preferencia na elección á candidatura do xénero menos representado no comité de dirección da Eido. Se este procedemento non resolve o empate, aplicarase como segundo criterio o seguinte:
 - a. No sector de PAS terá preferencia a candidatura de maior antigüidade na Universidade de Vigo. Para estes efectos computaranse os anos de servizo prestados na Universidade de Santiago de Compostela antes da segregación e nalgún dos campus da Universidade de Vigo.
 - b. No sector de estudantes terá preferencia a persoa adscrita ao campus menos representado no Comité de Dirección.

No caso de igualdade neste segundo criterio proclamarase a persoa de maior idade.

Artigo 6

1. A candidatura presentarase no rexistro xeral ou en calquera dos tres rexistros auxiliares da Universidade de Vigo.
2. O escrito en que se presente a candidatura deberá ir asinado polo candidato ou candidata e conterá os seguintes datos:
 - a) Nome, apelidos e fotocopia do DNI. No caso de que a candidatura sexa presentada por outra persoa, esta terá que identificarse e presentar tamén unha fotocopia do DNI correspondente.
 - b) Sector electoral polo que se presenta como candidato ou candidata.
 - c) Ámbito de coñecemento polo que se presenta a súa candidatura, no caso do estudiantado.
 - d) Número de teléfono e enderezo electrónico.
3. As candidaturas serán individuais para os efectos de votación e escrutinio.

ELECCIÓNS DE REPRESENTANTES DO ESTUDANTADO DE DOUTARAMENTO E DO PERSOAL DE ADMINISTRACIÓN E SERVIZOS (PAS) NO COMITÉ DE DIRECCIÓN DA ESCOLA INTERNACIONAL DE DOUTORAMENTO (EIDO)

CANDIDATURA

Don/Dona

con DNI* _____

Para candidatura no sector PAS:

Posto: _____

Centro/Servizo: _____

Para candidatura nos sectores de estudantes:

Programa de doutoramento

Ámbito (sinale o que corresponda ao programa ou departamento):

- Campus do mar
- Científico
- Humanidades
- Tecnolóxico
- Xurídico-social

Teléfono/Enderezo electrónico: _____

_____, _____ de _____ de 2018

Asdo: _____

*De acordo co artigo 6 do Regulamento para elixir a representación do estudantado de doutoramento e do persoal de administración e servizos (PAS) no comité de dirección da Eido, cómpre achegar unha fotocopia do DNI xunto coa candidatura. No caso de que a candidatura a presente outra persoa, esta terase que identificar e presentar tamén unha fotocopia do seu DNI. A candidatura presentarase no rexistro xeral ou rexistros auxiliares..